



## Publicaziuns officialas dils 21-05-2021

---

### Damondas da baghegiar

Nr. 76/2021

Datum da publicaziun: 21-05-2021  
Patrun: Cathomas Marc, 7173 Surrein  
Liug e parcelas: Surrein-Via Val 12; 3780  
Object: Construcziun d'ina casetta da lenn per grillar ed ina sauna

Nr. 77/2021

Datum da publicaziun: 21-05-2021  
Patrun: Bearth Ursin, 7172 Rabiun  
Liug e parcelas: Rabiun-Staziun sur Via; 237  
Object: Construcziun da parcadis cun crappa da pastget

Il profils ein tschentai ed il plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 21-05-2021

*Cumissiun da baghegiar*

### Radunonza da vischnaunca

La proxima radunonza da vischnaunca ha liug mardis, ils 15 da zercladur 2021 allas 20.00 uras a Sumvitg.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 25-03-2021
4. Rendaquen 2020
5. Rapport dils revisurs ed approbaziun dil quen annual 2020
6. Tractaziun ed approbaziun dil project sanaziun via da quartier a Surrein-Plazzas e concessiun dil credit brut da 127'000 francs
7. Orientaziuns
8. Varia

Per la radunonza vala in obligatori da purtar mascrina. Plinavon vegn menau gliesta dils participonts.

Sumvitg, 21-05-2021

*Suprastonza communal*

## Niev sistem da retrer cartas da carrar dil di

Naven d'immediat metta la vischnaunca Sumvitg a disposiziun a convischins/as ed a hosps il sistem Mobile Payment EasyPark per retrer cartas dil di per carrar sin vias d'uaul. Cun EasyPark sa la taxa per carrar vegnir pagada directamein sur il telefonin, u cun in SMS ni sur l'app EasyPark. Il survetsch da SMS funcziunescha mo tier abonnaments da telefons svizzers tier ils quals la funcziun "Premium SMS" ei tschentada en. Ils cuosts per registrar la numera dil vehichel cun in SMS vegnan engreviaj sur Vies quen da telefon. En cass che Vus duvreis l'app EasyPark, saveis Vus tschentar el parameter dall'app differents mieds da pagament. Per omisduas metodas – SMS ed app – vegn sefundau sin la numera dil vehichel.

## Detagls SMS

Per retrer ina lubientscha directamein cun SMS ston las suandontas indicaziuns vegnir tarmessas alla numera **4400**:

\*Nr. da via.Nr. vehichel

Exempel per Val Tenigia e la nr. digl auto GR1234: **350.GR1234**

*340 Russein	341 Crap Ner	342 Glivers	343 Fanels	344	345 Runca
				Puzzastg	
346 Bostg	347 Naustgel	348 Vallesa	349 Runé	350	Val
				Tenigia	

## Detagls APP

Igl app EasyPark sa vegnir retratgs digl Apple Store e Google Play.

Tier la cumpra d'ina lubientscha dil di digitala dat ei negina carta da carrar che sto vegnir deponida veseivlamein davos la finiastra digl auto. La controlla succeda cun mieds digitals sin fundament dallas indicaziuns registradas sur l'app ni cun SMS.

Ulteriuras informaziuns davart la retratga da lubientschas digitalas anfleis Vus sin la pagina d'internet [www.sumvitg.ch](http://www.sumvitg.ch) ni sin las tablas d'informaziun gest sut il scamond da carrar dallas vias pertuccadas.

Cun l'introducziun dalla vendita digitala entscheiva ina fasa da pilot. Sco usitau tier l'introducziun d'in tal sistem san sbagls aunc vegnir avon maun. Per che nus sappien meglierar il sistem ed eliminar eventuels sbagls essan nus avisai sin Vies agid. Nus supplichein perquei d'annunziar sch'ei dat eventuels problems.

## Ulteriura vendita

Sper la vendita digitala eis ei vinavon pusseivel da cumprar las lubientschas da carrar dil di sin canzlia communal, ellas ustrias ed en las stizuns.

Sumvitg, 21-05-2021

*Administraziun communal*

## Dumbraziun dallas habitaziuns vitas pils 01-06-2021

Igl uffeci federal da statistica meina puspei atras pils 01-06-2021 ina dumbraziun dallas habitaziuns vitas. Possessurs da casas ni administraziuns d'immobillas, che han pils 01-06-2021 habitaziuns ni casas d'ina famiglia vitas ein obligai da comunicar quei per telefon (081 920 25 00) ni a scret ([info@sumvitg.ch](mailto:info@sumvitg.ch)) alla canzlia communal entochen sil pli tard ils 04-06-2021. Sco habitaziuns vitas el senn da quella dumbraziun vegnan tut las habitaziuns mobiliadas ni buca mobiliadas quintadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei il di da controlla (01-06-2021) vitas denton habitablas e
- ch'ei il di da controlla (01-06-2021) screttas ora per schar a tscheins permanent per minimal treis meins ni venalas.

Sumvitg, 21-05-2021

*Administraziun communal*

## **Temps da vacanzas**

### **Examinaziun dils documents da viadi**

En paucas jamnas entscheiva il temps da vacanzas. Persunas che visetan tiaras digl exteriur ein supplicadas d'examinar a dretg temps lur documents da viadi. Per l'emissiuon dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 21-05-2021

*Administraziun communal*

## **Radunonza dalla pleiv Sumvitg**

**Mardis, ils 25 da matg** allas 20.00 en casa da scola a Sumvitg. Cordial beinvegni  
*Suprastonza pleiv Sumvitg*

## **Solidaridad cun l'India, la patria da nies plevon**

En Svizra ed en nossas tiaras vischinontas para la pandemia da Corona plaunet d'esser surmuntada, grazia allas restricziuns e la virolaziun. Ell'India, ella patria da nies plevon perencunter regia dapresent ina situaziun extraordinaria. La secunda unda dalla pandemia ei explodida e buca pli sut controlla. Mellis carstgauns mieran mintga di, ils spitals ein surcargai, il sistem da sanadad ei cumplettamein cupitgaus e la paupradad crescha di per di, milliuns spetgan adumbatten sin medicaments e mieds da protecziun.

**Dumengia da Tschuncheismas, ils 23 da matg** allas 19.00 envida sur Saji alla devoziun dil matg e da rugar ensemen cun el specialmein per sia patria (mira publicaziun). L'unfrenda che vegn prida si en nossas baselgias duront las messas per la fiasta da Tschuncheismas surdein nus all'organisaziun «Sreyas» a Bathery/Kerala, ella diocesa da sur Saji. Quella organisaziun sesprova da reparter medicamentsemieds da protecziun als pli paupers dils paupers. Vus astgeis bugen era surdar Vossa donaziun persunalmein a sur Saji ni deponer en scaffa da brevs dalla casa pervenda ni pagar sil conto da sur Saji (SajiVellavoor, CH18 8107 2000 0077 7994 8, Banca Raiffeisen Cadi). Cordial Dieus paghi per Vossa donaziun e per vies segn da solidaridad. *Suprastonza da pleiv Sumvitg*

## **Societad da tir Vial Sumvitg**

Uonn organisescha la Societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/-as ni amitgs dil sport da tir da prender part dil tir campester, il qualei gratuits. Ei legrass nuszun fetg d'astgar beneventar Vus in da quels dis cheu tier nus a Plaun Petschen. Pil beinstar corporal sco era per in suttetg eiera garantiu, aschilunsch che la situaziun lubescha. Il tir ha liug **venderdis, ils 28 da matg**, 18.00–20.00 e **sonda, ils 29 da matg**, 14.00–17.30. Il tir campester preliminar ha liug venderdis, ils 21 da matg, 18.00–20.00 medemamein a Plaun Petschen. Cordialmein envida la *Societad da tir Vial Sumvitg*

## **Salvament d'anseuls-cavriel**

L'uniun da catschadurs Greina porscha maun da salvar ils anseuls-cavriel dils motors da segar. Tgi che suppona ni ha observau ina caura-cavriel en siu toc prau ei supplicaus da s'annunziar tiel cautgira, Remo Manetsch sut 076 471 83 25, ni il guardiaselvaschina Andriu Degonda sut 079 755 14 76. Il salvament dils anseuls succeda la sera avon che segar entras l'uniun da catschadurs. Per dapli informaziuns saveis mirar sut: [www.catschadurs-greina.ch](http://www.catschadurs-greina.ch) ni [www.bkpv.ch/hege/rehkitzrettung/index.html](http://www.bkpv.ch/hege/rehkitzrettung/index.html) L'Uniun da catschadurs Greina engrazia per Vies engaschi en favur digl ansiel-cavriel. *Uniun da catschadurs Greina il cautgira Remo Manetsch*

## **Pro Junior Cadi / Acziun da stad 2021**

Era uonn purschein nus puspei l'acziun da stad per ils affons entochen 16 onns.  
Ulteriuras informaziuns ein sin la pagina da Pro Junior Cadi: [www.projuniorcadi.ch](http://www.projuniorcadi.ch)